

cio qvàm meo relictum. Ad figuræ nostræ certè minus quadra-
bit. Exemplum de metallis homogeneis, qvorum unum alterius
substantiæ sese jungere non aversatur, plane dispar judico.

§. 50. *Tertia*, in nova subdivisione novas species ponens,
in prioris membris speciebus ætiologia priori petitionem principii
incurrere videtur. Prius enim probandum: semen in materia
lapidis, in terræ gremio, ad magnæ profunditatis metron latentis,
existere, & hujus vim plasticam formæ tantum externæ producti-
one contentam esse. Posito, existere tale semen, annon potius
vincatur illud à semine metallari naturæ lithogeneticæ ab ipso
posito & defenso, ut tot tam variisq; alterationibus vi suâ prorsus
enervetur. Multum verò humani passus argumentô suô à ma-
jori ad minus. §. 29. *in fin.* Qvis unquam saniorum philosopho-
rum, in hoc Aristotelem defendendi, spartam suscepturnus? Nam
qvi semper à Natura generationem masculi intendi dixerit, studi-
um deficiendi (siqvidem oporteret deficere humanum genus, defi-
ciente sexu seqviori) ei imputabit, & qvi mulierem mare lasum
pronunciaverit, divinam sapientiam, in creando genere humano,
reformabit.

§. 51. Translapidationem ita evenire, ut ipse censet, posse
non diffitebor, dum (i) omnium in hoc studii genere exercitato-
rum, metamorphosin hanc calculis adstrui, in propatulo; haud
tamen talis figuræ nostræ cum hisce intercedit confinitas.

§. 52. In secundo autem membro ratio generationis con-
venit cum jam allatâ plantarum & arborum figuratione, & supe-
riore à vi plastica, in cadaveribus remanente, ortum ducente. Sed

(i) De substantiis in lapides conversis v. g. ossibus humanis, integris sceletis,
imo gigantum, qvorum unum 200. cubitorum longitudinem habuerit
vide Kirch. lib. cit. sect. 2. c. 2. & 4. Nidum cum pullis prope urbem
Lüneburgensem in lapidem transisse apud Albertum M. tr. 1. c. 7. ubi
horrenda de integris civitatibus, exercituum turmis, lectu & auditu repe-
ries. Similia ap. Fallopium, Rucum, Agricolam, qvæ adde Joh. Danæum,
Majorem Dissertat. de cancris & serpentibus petrefactis ad D. Phil. Jacob.
Sachsen, cum hujus Responsione. Notatu digna metamorphosis talis
embryonis, in utero materno, viginti octo annis in eō gestati in vetusta
Gallorum urbe Senensi, qvæ comperta, post mortuæ matris alvi sectio-
nem, anno prioris seculi septuagesimo secundo, descripta à Johanne Al-
bosio Hæduo Med. D. & urbis dictæ Phys. Ord. &c.